




REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



TV Syri Vision
Zeqir Haxhija
Drejtore
Gjakovë



VENDIM

**Lidhur me Rastin Nr. 2021/29- Komisioni i Pavarur i Mediave (KPM) për
TV Syri Vision (Palë përgjegjëse)**

Faktet

1. Komisioni i Pavarur i Mediave (KPM) është përgjegjës për zbatimin e Kreut VIII të Ligjit për Zgjedhjet e Përgjithshme në Republikën e Kosovës Nr. 03/L-073, përmes të cilit përcaktohet sjellja e ofruesve të shërbimeve mediale audiovizuale gjatë fushatës zgjedhore. Duke u bazuar në kapitullin e VIII të këtij Ligji, KPM ka nxjerrë udhëzuesin për të ndihmuar të licencuarit që të veprojnë në pajtim me Ligjin për Zgjedhje.
2. KPM, me datën 26 janar 2021 i ka dërguar Palës përgjegjëse Udhëzuesin për zbatimin e Kreut VIII të Ligjit Nr. 03/L-073 për Zgjedhjet e Përgjithshme, me qëllim që t'i ofrohen udhëzime për respektimin e dispozitave ligjore gjatë mbulimit të fushatës dhe heshtjes zgjedhore gjatë Zgjedhjeve të Përgjithshme në Republikën e Kosovës.
3. KPM me datën 1 shkurt 2021 elektronikisht i ka njoftuar të gjithë të licencuarit e KPM-së se duke u bazuar në mandatin ligjor është duke i monitoruar mediat për pajtueshmërinë e tyre me Ligjin dhe aktet nënligjore të KPM-së, duke ua rikujtuar se është i ndaluar sponsorizimi dhe vendosja e produkteve në emisionet e lajmeve dhe programet për çështje aktuale me interes për publikun.
4. KPM, me qëllim të vlerësimit të pajtueshmërisë së Palës përgjegjëse me Udhëzuesin për zbatimin e Kreut VIII të Ligjit Nr. 03/L-073 për Zgjedhjet e Përgjithshme, ka bërë monitorimin e këtij ofruesit të shërbimeve mediale në datat 3 dhe 4 shkurt 2021 dhe në bazë të Raportit të monitorimit ka gjetur se Pala përgjegjëse ka transmetuar spote politike të cilat nuk janë identifikuar, duke vepruar në kundërshtim me nenin 49, paragrafi 6, të Kreut VIII të Ligjit Nr. 03/L-073 për Zgjedhjet e Përgjithshme.
5. KPM me datën 5 shkurt 2021 elektronikisht i ka dërguar Njoftim për shkelje Palës përgjegjëse dhe e ka njoftuar për shkeljet e bëra, si dhe e ka udhëzuar që të veprojnë në pajtueshmëri me Kreun e VIII të Ligjit Nr. 03/L-073 për Zgjedhjet e Përgjithshme.

6. Edhe përkundër Njoftim për Shkelje, KPM në bazë të Raportit të monitorimit të datës 7 shkurt 2021, ka gjetur se Pala Përgjegjëse ka vazhduar të transmetojë spot të subjektiv politik Aleanca për Ardhmërinë e Kosovës (AAK), i cili nuk ka qenë i identifikuar nëse është me apo pa pagesë si dhe nuk është identifikuar organizata apo individ i përgjegjës për të, duke vepruar kështu në kundërshtim me nenin 49, paragrafi 6, të Ligjit Nr. 03/L-073 për Zgjedhjet e Përgjithshme.

Analiza ligjore

7. Komisioni i Pavarur i Mediave, bazuar në faktet dhe analizat e lartpërmendura, konstaton se Pala përgjegjëse gjatë fushatës zgjedhore për Zgjedhjet e Përgjithshme në Republikën e Kosovës ka vepruar në kundërshtim me nenin 49, paragrafi 6, të Ligjit Nr. 03/L-073 për Zgjedhjet e Përgjithshme.
8. KPM konstaton se edhe pse Pala përgjegjëse është njoftuar me kohë për respektim të Ligjit Nr. 03/L-073 për zgjedhje, Ligjit dhe akteve nënligjore të KPM-së, i është dërguar Udhëzuesi me qëllim që t'ju ofrohen udhëzime për respektimin e dispozitave ligjore gjatë mbulimit të fushatës zgjedhore, sërisht është gjetur në shkelje. KPM bazuar në Raportet e monitorimit ka konstatuar se Pala përgjegjëse gjatë fushatës zgjedhore ka transmetuar spote politike të cilat nuk janë identifikuar nëse janë me apo pa pagesë dhe nuk është identifikuar organizata apo individ i përgjegjës për të, duke vepruar në shkelje të nenit 49, paragrafi 6, të Ligjit Nr. 03/L-073, i cili përcakton se:

“Transmetuesit përkujdesen që çdo pikë reklamuese politike të identifikohet qartë si e tillë dhe të tregojë qartë organizatën ose individin “përgjegjës për të”.


9. Komisioni, duke u bazuar në faktet e lartpërmendura, konstaton se Pala përgjegjëse ka bërë shkelje të nenit 49, paragrafi 6, të Ligjit Nr. 03/L-073 për Zgjedhjet e Përgjithshme.

Vendim

10. Pala Përgjegjëse sanksionohet me gjobë në shumën prej dy mijë (2,000.00) euro në pajtim me nenin 30, paragrafi 1.3, të Ligjit të KPM-së, për shkelje të nenit 49, paragrafi 6, të Ligjit Nr. 03/L-073 për Zgjedhjet e Përgjithshme në Republikën e Kosovës.

E drejta për ankesë

11. Ankesat i parashtrihen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
12. Bordi për Ankesa do t'i merr parasysh vetëm ankesat e bazuara në informacione ligjërisht relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.


Xhevat LATIFI
Kryetar



11.02.2021
Datë